

## DEDICATORIA.

3

quodnam genuinum tempus sit messem de his studijs colligendi. Cur enim de semente facienda aliter ego sentiam, atque viri prudentissimi de vestra Corona : qui hæc studia inter præcipua censuerunt, quæ iuuenibus Nobilitatis animis in vestra schola proponerentur. Sic enim existimant, neque aptius esse genus hominum ad colenda Mathemata, Nobilitate: ut quibus artes aliae ad victum compandum non ita necessariae: nec aptiora Nobilitati studia, Mathematicis: propterea, quod occulta & mirifica quadam facultate polleant præceteris, feroces animos ad humanitatem, adg. sobrium rerum terrenarum contemptum instituendi. Qui fructus et si difficultate & insolentia materiei iuuenibus obscuratur: senibus tamen, uti modo dictum, suo tempore sepe patefacit.

hæc ego hactenus, cum de presentibus pagellis, tum de omni Astronomia, ad vos Astronomia & Literatura totius amatores, Viri amplissimi: ut eius vos admoneam, quod pridem tenetis: neq; nullo usui fore hoc, quod humilis offero & dedico, opusculum, vobis, qui verè generosi, verè nobiles estis: & si quam laudem meretur inuentio, illam magna ex parte ad vos pertinere; qui vestra liberalitate, vestroq; stipendio mihi occasiones & ocium hæc ita commentandi fecistis: Accipite igitur, Viri Amplissimi, hoc grati animi symbolum, meq; humilem clientem in vestram gratiam suscipite; & deniq; assuecite inter Atlantes, Perseas, Oriones, Cæsares Alphonsos, Rhodolphos, cæterosq; Astronomia promotores accensi. Valete. Idibus Maij: qui dies ante annum initium fuit huius laboris.

Amp. V.

Humilis in Schola vestra Grætiana, Mathematicus

M. Iohannes Keplerus  
VVirtemberg.